

Visum est autem his omnibus addere quædam ex volumine Alcorani & ipsius refutatione transcripta, ex quibus quanta sit hodie in Oriente vastitas Ecclesiæ: quantique errores, & quàm sæui pro vera fide regnent etiam inter eos, qui Christianum nomen illic sibi assumunt, luculenter apparebit. Sicigitur illa se ad verbum habent.

Denique gens Christianum nomen profitentium, vniuersa diuisa est in decem nationes, & velut diuersas eiusdem tamen religionis professiones præcipuas.

1 Latinorum, qui parent imperatori Germaniæ, & Romanæ ecclesiæ: vti Germania ipsa, Gallia Hispania, Italia, Anglia, Scotia, Polonia.

2 Græcorum, qui imperatori Græco parebant olim, & nunc Cōstantinopolitano Patriarchæ, qui non obediunt Romanæ ecclesiæ.

3 Indorum, siue Æthiopum, quorum princeps est Presbyter Iohannes, in cuius terra est corpus sancti Thomæ. Hic habet sub se reges septuaginta duos, & quando progreditur aliquò, crucem ligneam ante se portari iubet: quum in bellum it, duodecim cruces aureas.

4 Iacobitarum, à Iacobo hæretico discipulo Alexandrini Patriarchæ. Sunt in Oriente, Chaldæa & Arabia multi. Circunciduntur & ferro candente sibi suisque crucem imprimunt. Aiunt in Christo tantum esse diuinam naturam. Soli Deo confitentur. Damnati concilio Cedenfi.

5 Nestorianorum, à Nestorio hæretico Cōstantinopolitano episcopo, qui duas in Christo personas posuit. Tartariam habitant latissimã, & in India maiore. Confiunt corpus Christi in fermêto.